

晉漢書卷七

張

大

陝西甘肅類下

為斬獲犯邊回賊首級追逐遠遁事

中

查得前項節年案卷內開弘治四年甘肅鎮巡官奏請
勅書開諭土魯番速壇阿黑麻將金印城池獻還行
取陝巴襲封忠順王弘治五年十二月內阿黑麻因
哈密衛都指揮阿木郎與野也克力達賊引路搶殺
土魯番牛羊頭畜又將賞賜衣服剋留引領人馬來
到哈密將阿木郎碎割利死報讐陝巴因係土魯番
親枝不殺帶去收養今勘稱寓亦虎仙欺凌陝巴謀

奪王爵商同未到妻父阿木郎即哈即搆引阿黑麻
捉拿陝巴前到土魯番羈住與先年奏勘情由不同
若果阿木郎搆引阿黑麻來捉陝巴謀欲奪爵是實
緣何阿黑麻到來不將陝巴殺害却將阿木郎碎割
殺死情有不通若以為先奏是虛今勘是實未見追
究先年具奏何人作弊將見在阿木郎捏作已死及
將阿木郎與馮亦虎仙共謀奪爵情由隱匿不奏致
遺後患又查得弘治六年差侍郎張海等經略哈密降
勅責諭土魯番閉關絕貢至弘治十一年方將陝巴
放回陝巴復立嗜酒陪克不能自立屬夷頭自阿字

刺等懷恨至弘治十七年暗搆阿黑麻子真帖木兒
時年一十三歲前來哈密守城陝巴聞知棄城走往
瓜州真帖木兒亦回刺木城住鎮巡官得報差通事
毛見前去刺木城見真帖木兒說稱哈密頭目來說
陝巴丟下城去了恐怕連子奪占了若衆大人着人
來守哈密我回往土魯番去沒一歲兒反意等語毛
見同真帖木兒回至哈密差人來甘州報知鎮巡官
會議觀真帖木兒所言似無真實奪占哈密之意當
差官舍將都督奄克字刺馮亦虎仙等送至哈密撫
諭夷衆仍令陝巴復去守國奸惡頭目阿字刺等執

迷不聽要真帖木兒守城都督奄克孛刺等同官舍董傑等將阿孛刺等六人擒殺餘黨方纔畏服董傑回報鎮巡官復差都指揮朱瑄帶領官軍將陝巴送到哈密守國撫送真帖木兒回還本土本夷因見彼時伊父阿黑麻已死衆兒讐殺離散不肯回還告要暫住哈密依附奄克孛刺住過朱瑄等慮恐陝巴懷疑變亂將真帖木兒帶來甘州羈住後陝巴病故伊男速壇拜牙即襲封阿黑麻故伊男滿速兒繼立節次納貢差人賫送番文內稱我這裏不曾做有罪的事如今要兩下裏和好時把真帖木兒好好的看顧

兩下裏如魚水一般行去後該鎮巡官奏要将真帖木兒放回本部議得真帖木兒羈留我郊正得古人質其所親愛之意彼土嘗番卑詞納貢未必皆實未可即發復行鎮巡官再議回奏本部會官議准賜與真帖木兒冬夏衣服靴帽禮部查例奏關鎮巡官設筵宴待速壇滿速兒并弟兄頭目速壇拜牙即并頭目各照數給與段匹校布以慰其心正德六年七月內奏行放回訖今查巡撫都御史李昆等先次具奏據兵備副使陳九疇會審得窩亦虎仙再三稱冤執詞不服拘集先日差去哈密探聽夷情寨打黑麻并

火信馬昇馬馴馬驥等覆審得寫亦虎仙構引真帖木兒來哈密坐守將真帖木兒哄誘取在甘州撫養寫亦虎仙赴京進貢串通進貢回回假寫番本取討真帖木兒送回緣查前項取討真帖木兒係鎮巡官奏放會議准放回今稱寫亦虎仙假寫番本取討放回原奏係屬夷阿孛刺等因陝巴害人嚇逼逃走構引真帖木兒來哈密住守鎮巡官差奄克孛刺寫亦虎仙等將阿孛刺等擒殺都指揮朱瑄等將真帖木兒帶回甘州今稱寫亦虎仙構引真帖木兒來哈密又哄誘取在甘州撫養俱與先年奏勘情由不合又

查得正德八年九月內哈密忠順王速壇拜牙即走入土魯番地面頭目火者他只丁來占守哈密城正德九年正月內鎮巡官差千戶馬馴馬昇等前去哈密訪察夷情有土魯番速壇滿速兒帶領頭目夷兵在城駐劄差夷使亦思馬因等一十六名遞回回字內開速壇滿速兒說我幹的好事也勾了這哈密城金印見在我根前饋我一萬段子把哈密城饋誰時我交付饋他我差去的使臣和賞賜快些兒打發出未不快來時我也沒有好田禾熟了時節我領着軍馬往你漢人地方上去本年五月初四日回還土魯

番去訖馬馴等又問速壇拜牙即因何棄城衆稱被
奸夷哈即赫逼投去速壇滿速兒處無由遮飭告討
人馬要來漢人地方奪城又訪得忠順王速壇拜牙
即因貪酒色不行正事剝削害人衆夷懷恨被奸夷
哈即赫往土魯番去了又訪得哈即專與速壇滿速
兒透漏事情今已往沙州去了馮亦虎仙等說稱城
池別人占了印在別人手裏他教我死就死教我活
就活我每怎敢主張把王帥誰做有奄克孛刺是罕
慎親弟若着他襲爵也好馬馴等又稱馮亦虎仙向
職等哭着說我的家當妻子都在甘州有速壇滿速

兒要調瓦剌人馬同往甘肅地方躡搶倉裏無糧人
沒喫的一定投順了他把

朝廷地方壞了官軍人等我的妻子都是死數你每
務要稟知三堂急調河東大勢官軍同甘涼各城人
馬前來肅州等着截殺馬馴等將前訪取夷情具呈
都御史趙鑑等轉行總制都御史鄧璋俱於正德九
年五月內會本奏稱亦卜刺等賊見在西海盤據土
魯番又求討賞賜要來侵犯若因逆虜誇張大言允
其所求不無上辱

國體下損軍威要照先年差侍郎張海等事例差官

經畧本部會同府部等衙門及科道官議得土魯番分外求討賞賜事出無名不可輕與差官經畧各有礙難行推舉都御史彭澤總督甘肅等處軍務量調延寧人馬前去甘肅逐勦亦卜刺等殘賊令其遠遁絕土魯番夷不使內侵事寧回京及請

勅一道賚付鎮巡官就赴土魯番差來使臣查回責諭速壇滿速兒令其改過自新將拜牙即送出獻還城印及請

勅赤斤蒙古安定苦峪沙州罕東曲先罕東左等衛點集人馬保固地方土魯番若來侵犯即便相機截

殺如遇天兵進勦即便率衆應援正德九年十二月內火者他只丁等率領人馬來到肅州近邊王子莊苦峪赤斤等處搶掠屬番男婦三千餘口馬駝牛羊不計其數番賊逼近肅州及形已露一面賚迺番書挾求賞賜彼有彭澤見統延寧人馬在於甘州馬劄却乃故違

勅旨不行火速發兵遏勦保護屬番又不遵會議賞賜不可輕與事理擅自主張選差官通出使絕域納弊虜庭取討城印示弱求和中賊奸計以致土魯番夷得肆其志挾求增幣遂無厭足彭澤又隱下前項

王子莊等處搶殺賊情安奏亦卜刺殘賊日思北奔
土魯番雖欲侵犯肅州決不可得又不候差去送賞
人回處置停當安奏西夷就降事已寧息其差去人
係正德十年二月初三日出關十七日到哈密馬驥
等復回添取賞賜三月初八日馬馴等起程前去土
魯番講和八月內取賞到土魯番十二月初三日方
纔取回金印入嘉峪關到肅州彭澤先於本年閏四
月內起本奏稱遠夷悔過獻還城印通屬欺罔本部
節次議奏土魯番侵犯肅州啓釁納侮事必有由要
將啓釁誤事之人參奏究治庶使以後使臣不敢生

事遠夷懷奸誤國等因節次題奉

欽依通行查勘今各官勘稱土魯番夷來肅州近邊
搶殺求討賞賜彭澤不知詐情聽從與賞差官前去
土魯番撫取金印前項故違

勅旨不遵會議擅差官通賞講和開啓釁端遺害
地方等項重情俱被彼處原勘官符同隱匿致無查
照參究又查得正德十年十二月內都御史李昆等
奏稱本月初三日原差官通旗軍賽打黑麻等夷使
都督寫亦虎仙等隨帶土魯番地面使臣失黑把息
兒等將帶方物到關進貢哈密衆頭目亦差使臣同

晉漢書卷之七
來進貢據千百戶賽打黑麻馬馴馬昇呈稱奉總督等官指示方畧賞領段絹梭布等項共二千匹件交與速壇滿速兒交收取獲印記番文回繳被火者他只丁占守哈密城言說我根前沒五百段我不回去賽打黑麻等同衆商議措賒馬疋等物准段一百五十匹餘皆聽許本夷方允本年初六日歸還土魯番去訖隨取到速壇滿速兒番文一紙內說你每差來通事火信等說的好話賞賜的數兒裏頭都開着裏我便依了哈密城金印饋了如今你每與大明皇帝根前寫一箇本去我的東西擎着來便我

報你每的恩你說我王子金印城池饋了我每奏朝廷和番好賞賜討着饋你這麼說來沒有時我把金印城池也不饋事也不好十月二十八日土魯番寫了又一紙說稱如今你每許下的東西哈密城金印饋了的後頭要是麼便差使臣與

朝廷進本討將來又哈密衛都督滿刺哈三番文一紙內稱總督老爹面前老爹每說你是我的人如今你和百戶賽打黑麻一答裏去金印城池討將來我說老爹每和番賞賜重重的有時我去漢兒人去便好教我去他討的東西饋我便我去把金印城池討

晉漢書卷之三十一
着來速壇拜牙即不在土魯番那箇事我不敢承當
老爹每說和番賞賜要時好話不說你好說便速壇
拜牙即沒有把金印城池饋了罷你好說便要是麼
饋你你差一箇人擎着印信文書來小段子兒甚麼
稀罕你說一萬段子奏

朝廷蟒衣膝闌織金段子紗羅銀器珍珠和番時你
討了我奏

朝廷把你討的進貢使臣都發饋你我這箇話哈密
裏火者他只丁根前說了把金印討出來把賞賜馱
着土魯番去饋速壇滿速兒王子了把哈密城交付

與我金印饋了都督宜赤虎仙火者馬黑木百戶賽
打黑麻擎着去了他每又許下東西饋時平安無事
若不饋照舊壞了又該都御史李昆等奏正德十一
年十月初十日火者他只丁牙木闌差夷使斬巴思
等遍送哈密衛都督滿刺哈三回回字文書一紙內
稱馮亦虎仙百戶賽打黑麻通事法虎兒馬馴許了
一千五百段子因為這麼幹事我每差了虎都六寫
亦火者散者兒伴送土魯番使去了又火者他只丁
回回字文書一紙內稱馮亦虎仙火者馬黑木百戶
賽打黑麻馬馴法虎兒丁來我做了保人金印城池

晉書卷之三十一
九
繞饋了後頭定了兩箇月又一千五百段子許了去
了我每出了哈密三箇月刺木地方坐了不見人來
我每往土魯番去了又坐了三箇月後頭火者亦思
馬因滿刺琛思來了許下的段子不曾饋我每有差
的虎都六寫亦馬黑麻撒者兒等去的人不見來把
差了去的人也不敬這麼說將來王子十分惱了他
的人馬都收拾了我每差人去饋他說了這箇事那
裏大頭目做的事

大明皇帝不知道你便不要謊我每到哈密裏把這
箇打聽中間有把刺克老爹每的文書拏着來了我

每文書虎力納咱兒帶到王子根前去了等語又說
便把虎都六寫亦馬黑麻撒者兒帶一千五百段快
此兒打發出來差去的好好的敬着打發出來我每
年年進貢我每前頭例也不肯斷了你每不依我每
便事也壞了路也不通又於斬巴思衣服內搜出番
文一紙牙木蘭與寫亦虎仙說稱你和我說了去了
一千五百段子遲了不見來因為這麼幹事十分惱
裏饋裏不饋與我說將來等語前項番文俱有鎮巡
官原奏案卷見存及查都御史李昆奏據副使陳九
疇等會審得怯林訛兒的供稱差百戶賽打黑麻等

賚送賞賜取討城印之時有寫亦虎仙要娶土魯番
王子妹子為妻嗔恠要殺許了段子一千五百疋又
據陳九疇等覆審得賽打黑麻等說稱先年寫亦虎
仙進貢到京時進本討真帖木兒送到土魯番時速
壇滿速兒要把他妹子與速壇拜牙即為妻寫亦虎
仙要娶為妻速壇滿速兒嗔恠要将寫亦虎仙送到
冰眼裏喂魚慌了許下段子一千五百疋今勘官取
問招內又稱正德七年該鎮巡官奏將真帖木兒放
歸差寫亦虎仙等送回要娶首帖木兒母為妻又嫌
老不娶後忠順王速壇拜才即自行帶印投往土魯

番地面速壇滿速兒要将妹子與拜牙即為妻寫亦
虎仙聞知潛去土魯番要娶伊妹子為妻嗔恠要送
在冰眼裏喂魚寫亦虎仙懼怕許與段子等情切緣
陳九疇等先勘寫亦虎仙許與段子一據怯林訖兒
的供在正德十年同賽打黑麻等送賞去時許與一
據賽打黑麻等說在正德六年送回真帖木兒去時
許與三詞各不歸一今勘未見審具賽打黑麻等供
說歸一真情況速壇拜牙即正德八年方總校奔土
魯番豈有正德六年先在土魯番許親之理今勘雖
稱寫亦虎仙聞知潛去不見勘明的於何年月日潛

去有何知証俱屬未明及查李昆等原奏搜出斬巴思等身帶番文內開牙木蘭與高亦虎仙說稱你和我說了去了一千五百段子遲了不見來因為這麼幹事十分惱裏饋裏不饋與我說將來奏詞見存今勘搜出斬巴思等身帶番文內開你和我說了一千五百段子遲了不見來了因為這麼事十分惱你不饋再有甚麼事便斬巴思根前說將來將已奏過番文內饋裏不饋緊關字樣改作惱你不饋中間頗有扶捏故入情弊又查得近該給事中黃曾等別起奏本內開該總兵官史鏞手本案查正德二十二年

月內土魯番速壇滿速兒將城印獻還遣使進貢總兵官徐謙太監許宣都御史李昆措備織金段綵段紗絹洗白各色梭布共一百二十疋包封用印與速壇滿速兒收用再備織金綵段紗絹洗白各色梭布八十疋包封用印與火者他只丁收用就令差來使臣果言及火者亦思馬因滿刺朵思哈力訖兒的賈回并寫鈞帖與速壇滿速兒令其親去阿速將忠順王取來送回哈密安住至今尚未將忠順王送還鈞帖內說將你速壇滿速兒差來頭目虎都寫亦并火者他只丁差來弟火者撒者兒館待搞勞差往陝西

催償撒馬兒罕先年進貢使臣并賞賜回日發回木
土等因今給事中黃臣等前項奏內勘稱被火者撒
者兒火者馬黑木等各將不與段子情由令回夷滿
刺朶思亦思馬因報傳速壇滿速兒并火者他只丁
牙木蘭等又添說甘肅見將虎都六窩亦火者撒者
兒拘留不放以此速壇滿速兒惱怒於本年六月內
差火者他只丁牙木蘭領五百人馬將哈密城又行
奪占緣拘留夷使係干啓惹土魯番復來奪占哈密
重情今勘不見駁查虎都六窩亦火者撒者兒的係
何人主張質留甘州或係差往陝西催償使臣及亦

思馬因等賚送段絹等物有無到彼交割緣由其李
昆等不知何年月日出給鈞帖添送賞賜不見下落
不見具奏事屬欺隱亦未參究明白又查得正德十
一年五月內李昆等奏到本內開稱據原差千百戶
賽打黑麻等送賞與土魯番取討城印回還賞到土
魯番速壇滿速兒并哈密都督滿刺哈三番文取討
賽打黑麻又許下的東西李昆等議得如欲必取速
壇拜牙即乞請

勅一道與速壇滿速兒并伊頭目火者他只丁再請
勅一道與伊弟把巴义仍各量賜織金綵段絹疋賚

去土魯番直抵阿速城開讀如彼就將速壇拜牙即送回照舊為主如不送回將土魯番先令差來使臣遷發南方羈住閉關絕貢該本部會官議得既已送回城印合無俯從李昆等所請施行固不可嚴峻拒絕激變夷情亦不可輕許多與開啓巽端當於本年五月內請

勅去訖後至正德十二年正月內李昆等奏據副使陳九疇議呈將原降

勅書二道暫且責付甘州行都司捧收將先後差來夷使俱收監等因已經本部查勘今各官勘奏

不見追究前請

勅書緣何停至次年正月土魯番已犯肅州殺死芮寧方假陳九疇之議奏要捧收在官及參稱哈密衛在官夷人馬黑木等詐克撒馬兒罕天方國等項夷使詐冒進貢關文口糧不見參究行都司官并甘肅鎮巡官彼時有何情弊將各夷一槩驗放符同具本造冊起送赴京又查得先該都御史李昆等奏稱據副使陳九疇呈稱審取阿刺哈兒供內開稱火者撒者兒係火者他只丁之弟甘肅三堂老爹恐怕有變將他留到甘肅管當至今不曾放回等情卷案見存

今奏內勘稱正德十一年六月內牙木蘭等復來占
守哈密差倒刺火者等來問甘肅消息被陳九疇監
禁病死牙木蘭因見倒刺火者等不回恐有泄漏事
情報知速壇滿速兒又差斬巴思前來打細亦被陳
九疇監禁速壇滿速兒舉兵到沙州牙木蘭到瓜州
等候斬巴思等日久不回以此起程到沙州與速壇
滿速兒商議來犯肅州及查火者他只丁牙木蘭等
節次遞送番文俱稱我每差的虎都六寫亦火者撒
者兒等去的人不見來又稱我每依了你每你每不
依我每我每差去的不放將來因為這麼幹事王子

惱了着差人去把一千五百口段子討饋便饋不饋將
快斃差人來我去和他兩口說話因為這麼幹事差
了斬巴思去了定了二十日快些兒打發出來又該
速壇滿速兒番文內說我每幾遭差人去為和好要
安寧不要做反以後再不反了說了這遭不肯依從
差去使臣都監禁責打加罪射的箭如射在石頭上
一般不得透等語前項番文俱係李昆等節次備云
具奏案卷見存切詳虎都六寫亦火者撒者兒係隨
同差去官通及差來進貢使押送金印取賞人數
鎮巡官不合無故拘留日久不行放回亦不具奏委

官參議施訓等審得虎都六窩亦火者撒者兒假作送印取賞就來探聽消息將各夷問擬境外姦細入境探聽事情斬罪監候處決情罪俱不相當及看得斬巴思等既是賫迤番文趕喝駝馬牛羊二百七十餘疋隻明白入關比與潛入境內探聽事情被官軍盤獲者情由不同况斬巴思等所賫前項番文內說情詞皆以虎都六窩亦火者撒者兒二人不見放回及不與原許段子一千五百疋為詞係干夷情斬巴思等十月初十日進關陳九疇等自合即時轉達鎮巡官議處定奪不合輒便收監至十一月十六日土

魯番賊至肅州城西十里殺死芮寧官軍至十九日賊勢漸退陳九疇方將斬巴思等打死問擬奸細情有可疑又查得李昆節次奏內開正德十一年九月初五日赤斤蒙古衛番人哨下來肅州報說土魯番人馬本月初二日到紫城兒撲搶十月內他失把力城哈刺灰頭目添哥能兒的五名告迤番文報說今年六月內火者他只丁將哈密城奪了商量要往漢人地方上來十月二十八日罕東左衛番人土六擺哈報說十月十一日早速壇滿速兒領四千餘人撲到沙州把在城四野番達男婦帳房頭畜盡都搶殺

了十一月初七日赤斤蒙古柴城兒住牧番達察勞等四名報說土魯番賊搶殺入境十一月初九日柴城兒住牧阿卜兒加等四名亦報回賊搶殺十一月十一日史鏞等差夜不收到肅州瓜探聲息有參將兵備說稱賊在鉢和寺住劄瞭見火光待差人哨探的確回報其肅州無有糧草甘州軍馬且不必動至十五日賊已進嘉峪關陳九疇將存禮方差夜不收尾合加赴甘州稟報十七日午時方到甘州史鏞等方議發兵顯是陳九疇等明知賊已逼境竊謀輕敵意欲自己圖功假以無糧阻當援兵及史鏞等係是

主將聽從陳九疇主使不早發兵俱故不設備以致攻陷城堡損折官軍俱有違法律今勘不見參究前罪明白又看得審取馮亦虎仙招情與節次具奏情節不合問擬謀叛罪名及將馮亦法都刺等八十一名俱問擬杖罪參稱情重律輕俱擬遷發兩廣烟瘴地西安置及問得阿都阿哇滿刺允都招稱正德八年令家人滿可力稍書與女婿牙木蘭火者他只丁及進貢未回火者馬黑木向速壇滿速兒誘說令人出來奪甘肅城子先將哈密占了等情後正德十一年土魯番犯肅州將阿都阿哇滿刺允都問擬奸細走

透消息於外人斬罪又看得原問土魯番賊十一月十五日到嘉峪關外夜不收李四十六日辰時報到肅州陳丑狗十五日四更時分報到康斤斤十五日五更時分報到芮寧人馬十六日卯時發出李四等似無失報及土魯番賊節次傳遞番書明說要搶肅州及赤斤等處屬番十一月以前節次走報土魯番賊見到近邊搶殺今問夜不收李四等失報以致陷城損軍斬罪及馬貴被虜得脫參問失報飛報斬罪陳剛藏匿芮寧陣亡人內得生參稱火於謀勇提問中間俱恐虧枉及各犯引律議罪俱係干刑名未

審情罪有無相當律例有無相合又看得招內開稱陳九疇會同史鏞鄭廉蔣存禮謀勇誘使瓦剌達子搶殺土魯番又稱鄭廉蔣存禮等各督併漢番官軍斬獲回賊首級五十八顆鄭廉蔣存禮似亦有功又參鄭廉蔣存禮有罪無功應該提問陳九疇罪少功多不見聲說鄭廉蔣存禮功不贖罪陳九疇何罪比何功較少緣由及要將差來進貢更使火者馬黑木火者阿黑蠻俱擊送法司明治其罪其餘進貢夷人俱送法司研審中間如有與連壇滿速兒交通謀逆人犯俱治以罪查得火者馬黑木等見已到京該本

部議奏送法司收問奉

旨免送及招內開參已故都督失拜烟答交通外夷謀為內應身雖已死法尚難容仍當遷其妻孥沒其財產見今伊男米兒馬黑麻賈本來京伸訴冤枉該鎮撫司譯審供詞在官又該本部會同三法司并錦衣衛各堂上官會審得本夷執稱陳九疇差委伊父失拜烟答同夷人火者塔只等二十五名同苗寧等出城與賊廝殺並無內應等情已將米兒馬黑麻送會同館收候甘肅干問人犯解到會審定奪今擬前罪難便發落及看得招內開稱別無違法重情滿刺

迭力米失等六十一名俱發腹裏去處暫為安插候哈密事寧量為處置但既稱別無違犯又要遷發腹裏且無議定遷發腹裏何處地方若依所議遷發誠恐各夷在彼居住日久已成家業一旦無故遷發不惟致其失所怨望抑恐甘肅年久寄住諸夷自生嫌疑互相煽動交構土魯番及各種達子謀擾甘肅地方大壞邊事此係陳九疇狂生淺謀勘官依憑轉奏擅難准擬又慮近年甘肅守臣不知控馭諸夷當存大體凡事輕舉泄漏致成激變如都督失拜烟答陳九疇已拘禁致死本官家產已行抄沒其子火者馬

晉漢奏議卷之十一
黑麻迺來京師衝入禁門伸訴陳九疇等明知在逃不行奏聞前項寄住夷人滿刺迭力米失等六十一名今雖不准遷發猶恐此風在彼先已漏泄驚疑衆心合當急為撫處照得先任甘肅總督軍務今致仕太子太保左都御史彭澤故違

勅旨不遵會議擅自主張措僭賞物差人出使外國講和開啓邊釁遺患地方隱匿近邊搶殺賊情妄奏事寧回京及都御史李昆明知土魯番占據哈密求賞賜關繫邊情至重坐視因循持疑兩端釀成大患副使陳九疇惟知講和之為非不思中變之為害

擅擬拘執夷使因而激變疑有奸夷交通多無指實俱應究治提問先於勘官別起本內參奏外今給事中黃臣等參稱太監許宣都御史李昆俱功可贖罪總兵官史鏞參將蔣存禮等俱應該提問但照史鏞許宣李昆同受重托同處一鎮凡事公同計議而行今據前項查出肅州失事情由土魯番賊正德十一年六月復來占據哈密以後節次投遞番文索討原許賞賜引領賊衆搶殺沙瓜州赤斤柴城兒等處地方報無虛月史鏞身任主將與李昆等非不預知却乃視為泛常惟聽兵備副使陳九疇所謀輕敵玩寇

畧不設備要拘留夷使則聽其拘留要更變和議則聽其更變要阻甘州援兵不發則聽其阻止及參將蔣存禮惟知阿從陳九疇會案轉行畧無出人意見依律呈請添調人馬預為隄備肅州一城精兵殺戮殆盡遠近城堡男婦頭畜米糧被其荼毒搶掠奚止數萬百餘年來所無之事皆由總督鎮巡等官處置乖方開啓釁端所致若不明正各官之罪不惟無以垂戒將來以後邊務益難修舉抑恐死者含冤生者懷憤天地鬼神亦不容宥合無將史鏞蔣存禮俱捉解來京送法司與李良陳九疇等通行究問太監許

宣事雖不由於已坐視亦難免責合無取回亦行法司提問中間陳九疇蔣存禮等先次失事其後所立功蹟與先犯罪過量其多寡有無相當應否准贖議擬定奪本部仍會官推舉堪任甘肅鎮守總兵官及照例推舉曾經奏保堪任肅州參將官上請簡命今其上監前去更替史鏞蔣存禮到日方將史鏞蔣存禮提解庶不失誤邊備其副總兵鄭廉原在甘州住劄十七日報到賊情當日發兵出城又因賊衆兵寡會差百戶蔡剛賈文前赴鎮城督調山丹守備汪淮拽帶兵車火器前來並進又與蔣存禮追賊

斬獲首級今參延緩畏怯并已問完見監斬罪人犯
李四等及見參應該提問都指揮姚塘等合無俱候
寓亦虎仙等情重并干問人犯解到之日通送刑部
查照原行始末案卷并本部前項逐節參駁事理通
將今勘奏內有名人犯逐一重覆查問明白干碍火
者馬黑木等并米兒馬黑麻就行取問取具歸一招
詞依律議罪仍會多官覆審無異奏請定奪照出應
該提問發落人犯參奏提問發落務在情真罪實輸
服無詞固不可輕出故縱有壞

國法亦不可拘泥原案致有虧枉彼處原勘官員及

差去勘官中間如有故失出入情由分豁輕重參究
問完之日應該處置一應邊情本部會官議處具奏
施行及照甘肅地方見寄住夷人數多誠恐因見陳
九疇等將失拜烟答等打死抄沒及將各夷解京問
理又聞今奏要將滿刺迭力迷失等遷發一緊驚疑
致有反側生變合無請

勅一道賚付甘肅鎮守巡撫巡按官譯寫番文告示
轉發行都司及布按二司公差官遍發曉諭各該地
方寄住回夷知道前年土魯番敢來犯邊副總兵參
將領軍追趕殺死土魯番人數多如今事已平定關

外赤斤苦峪罕東等衛屬番

朝廷尚且撫恤你每是迺年進貢效順往來寄住夷人豈肯害你各要安心照舊生理如有說謊嚇詐你的便赴官陳告將說謊之人治以重罪其副使陳九疇舉發見監問夷人

朝廷提取緊關干對人到京着法司會官審問有罪無罪必不虧枉今後不許土魯番夷進貢若有土魯番差來打細的你就捉拏送官重加賞賜不許隱匿鎮巡等官仍嚴加禁約該管官司并地方火甲敢有生事驚嚇夷人者就便枷號治罪若夷人果不安分

蓄有異謀體訪得實密切告官處置亦不許預先漏泄壞事如此安撫庶保地方無虞以後安插寄住回夷防範事宜着落新任鎮巡官從長計議應否照舊別處作急密切具奏定奪亦不許因循玩忽致成他虞正德十三年二月二十九日具題奉

聖旨是彭澤李良陳九疇已有旨了堪以更替甘肅總兵官并肅州叅將的便各推兩員來看史鏞蔣存禮待交替官到日着巡按御史提解來京問理許宣也着待交替官到日取回送問鄭廉且不提李四等姚塘等都還照舊監候待提解各該干問人犯到日

着法司通行查照究問明白再會官覆審了一併來說寫勅曉諭等項事宜都依擬行欽此正德十四年六月二十五日該刑部等衙門會本具題奉

聖旨是這邊方事情你每既會審明白彭澤擅差都督寫亦虎仙等贖取城印許與段疋致遺後患本當提問既先已革職為民了罷史鏞李昆許宣蔣存禮陳九疇節聞蓋言報不早設備李昆又拘執夷使停留勅書陳九疇阻止發兵失誤應援本部當重治但既稱史鏞到任未及三月蔣存禮寡不敵重史鏞降二級蔣存禮降三級各帶俸差操李昆也從輕降二級

別用許宣着閑住陳九疇擅擊都督軍職責打拘禁致死你法司也依律從重擬了罪來說馬馴等傳報夷情既有反響也擬了罪來說米兒馬黑麻為父訴寃得實免問其餘夷人但犯不應罪名的俱免運炭提問原問官施訓高顯等與應提問鄭廉等都有差去郎中千戶提問了來說黃臣趙春對品調外任其餘准擬欽此

為夷情事

看得哈密衛都督寫亦虎仙奏稱奴婢在哈密住生有千戶馬聰百戶寫亦阿黑麻百戶馬昇賚

勅一道與都督奄克孛羅并奴婢寫亦虎仙有都督
奄克孛羅在肅州住着不曾出來奴婢將

勅書閱讀了一節查得前項

勅書內原寫都督奄克孛刺在前寫亦虎仙在後餘
外又有副

勅交與鎮巡等官知會存照彼時奄克孛刺既在肅
州寫亦虎仙在哈密不知何人主張將奉到

勅書不在肅州交與奄克孛刺令其上緊回還哈密
與寫亦虎仙等一同閱讀却令馬聰等徑送寫亦虎
仙收開又奏稱彭總制鈞帖差人送來言說都督寫

亦虎仙等上緊將

朝廷的

勅書賞去速壇滿速兒王處借錢使用贖取若不與
金印城池呵你再多許他些錢物務要將哈密城池
金印取來與他和好就與他使臣一同前來成事後
但是你每借了使過的并許下速壇滿速兒王錢物
我每具奏

朝廷一倍還你兩倍

朝廷的

勅書上也說一倍還兩倍一節查得正德九年本部

原會官議請

勅與土魯番速壇滿速兒止令土魯番差來夷使捧去不曾許差哈密衛都督寫亦虎仙送去及查前項原勅諭寫亦虎仙等

勅書內明開勅至尔奄克字刺上緊回還哈密與寫亦虎仙率領大小頭目人等共守城池暫理國事亦無許差寫亦虎仙親去土魯番送賞講和近談給事中黃臣等查勘得都御史彭澤原鈞帖內開我差的頭目通事都督奄克字刺寫亦虎仙滿刺哈三亦思馬因等一同前去與尔王子并王母衆弟兄談上緊

將忠順王并城印還了哈密上緊差好頭目進貢謝恩不等你的方物使臣到京我與三堂將你的番文先奏

朝廷必有重大賞賜王母并他弟兄你大小頭目哈密有功的都督頭目也都有賞賜等語又查得給事中黃臣等行據總兵官史鏞手本內開總督彭澤差百戶賽打黑麻等賚賞前去土魯番撫諭甘肅措備羅段絹紗綾褐洗白夏布并梭布衣服等件共二千疋件銀壺一把銀碗一箇銀臺盃一付等因奏詞見抄在部顯是彭澤故違

勅旨不令寫亦虎仙等守國而令其去國不責土魯
番罪過而與土魯番納幣求和給事中黃臣等前項
勘奏與今寫亦虎仙奏內情節相同但寫亦虎仙奏
稱彭澤差去人說許下錢物我每具奏一倍還你兩
倍又說

勅書上也說一倍還兩倍未見差去何人傳說前項
語言未經提對難便准信

勅書中間恐有偽造增減情弊及奏稱陳兵備
巴思等在肅州地方都打死了速壇滿速兒
惱怒了領人馬來到肅州一節查得都御史李只等

原奏正德十一年十一月十六日土魯番犯肅州十
九日副使陳九疇將通事毛見等同斬巴思打死今
奏先打死斬巴思等後犯肅州及奏陳九疇將回回
墳墓并禮拜寺都拆毀了又將回回人妻與了西番
人去了等情俱未委虛的合無本部差官并通事一
人馳驛前去沿途查問寫亦虎仙原開讀

勅諭見在何處收貯依其所指去處查取并將本部
原降副

勅底本於甘肅鎮巡等官處追出一併如法印封上
驗實回以憑比對先將寫亦虎仙今奏內事情備咨

刑部待候馮亦虎仙并通事馬俊等解到及取到
勅書之日照依本部前項參詳事理逐一譯審對問
務見差去何人傳說許賞等項情由明白與同起應
問事情通併問明仍會官覆審無異奏請定奪未到
有罪應問人犯參奏提問正德十三年三月初二日
具題奏
聖旨是這夷人所奏事情未委虛的待恁每差去官
屬人等取到勅書之日着法司將提問應該譯審對
問人犯并前後有干應問事理通行併問明白仍會
官覆審具奏定奪欽此

為夷情事

照得本部前項議奏差官專去查取夷人馮亦虎仙
等原奉

勅諭看驗中間有無偽造增減情弊今委官舍欽呈
稱訪得原降

勅諭見今到京使臣都指揮僉事火者馬黑木帶米
見在合無本部委官一員會同禮部提督會同館主
事鴻臚寺大通事舍誠等就於都指揮火者馬黑木
處取出原降

勅諭看驗實文字樣如果原係正德九年降與都督

晉漢書卷之七
奄克孛刺馬亦虎仙等

勅書別無假偽增減情弊各官就便眼同謄黃一掠
三本比對無差送本部刑部都察院各一本先收備
照仍將原

勅封記付本夷捧收聽候法司取驗如看驗

勅書內有假偽增減亦就譯審作弊情由明白呈報
定奪前項原降

勅書若果驗無假偽增減舍欽等不必差去其寫亦
虎仙所奏彭總制鈞帖差人送來言說

朝廷的

勅書上也說一倍還兩結等語顯是差人去詐傳

詔旨啓釁壞事合無行依法司待候寫亦虎仙解到
之日追要差去賚鈞帖傳說

勅旨之人是誰就與寫亦虎仙對問明白及將前
勅不付奄克孛刺送與寫亦虎仙交收主張之人一
併問明具奏施行正德十三年三月十九日具題奉
聖旨是欽此

為提督軍務官員責任事

照得甘肅地方近年因哈密中心順王拜牙即棄城逃
走土魯番速壇滿速兒差人占據哈密節次添設總

制總督大臣與巡撫都御史相並經理以致事權不
一大壞邊事至今尚未寧安今蒙

聖明軫念邊疆事重圖任舊人既准臣等會推起用
鄧璋巡撫復賜

宸斷假以提督軍務之權竊惟土魯番夷先因北
地方饑饉占據哈密挾求賞賜都御史彭澤遣使直
造虜庭納幣求和以夏奉夷寇屢倒置今土魯番既
殺我將官戮我軍士破我城堡掠我居民屠我屬番
肅州之禍自來所無自當明正大義閉關絕音斷在
不疑彼不得逞馮衆入寇之舉勢所必有今

命鄧璋往彼一新號令振揚

天威無事則照常巡撫整備兵糧有事則提督官軍
相機戰守有專制之權無掣肘之弊

廟謀預定群情預服將來甘肅地方可保無虞此皆
仰賴

皇上睿謀乾斷明炳先幾有此善處也臣等不勝幸
甚合無查照先年提督軍務大臣事例給與鄧璋旗
牌八面副乞於鄧璋該請

勅內開載令其到彼之日與總兵官柳湧先期到肅州
脩築城堡鋒利器械整點軍馬措備糧餉賑恤軍士

撫順屬番振揚軍威仍嚴謹烽堠通用間諜務使敵情預知軍謀早定伸縮自由動中機宜遇有侵犯量調本處甘涼及魯經所統人馬會同防勦若有不敷以次徵調或先調河東隣近洮岷臨鞏等處官軍或徑調寧夏延綏官軍務須斟酌賊情多寡緩急從宜調取既不可徵調遲延失誤事機亦不可無事早調坐費邊餉用兵之際都指揮以下敢有臨陣退縮及不用命者照例許以軍法從事凡事干軍機不可稽遲者悉聽便宜先行隨即奏

聞本部節次會官議准處置哈密及撫順赤斤苦峪等衛屬番等項事宜逐一查照斟酌施行若遇賊勢重大黃河套內達賊犯邊延寧人馬不敢赴調各該鎮巡官各另星馳具奏

朝廷自有處置本部再通行延綏寧夏陝西三處鎮巡等官一體知會遵守以後如果處置得宜土魯番夷畏威悔過認罪歸服哈密興復地方事寧鄧璋取回巡撫官員照舊施行正德十三年三月二十三日具題奉

聖旨是都依擬行欽此

為夷情事

看得甘肅鎮巡等官都御史李昆等題稱節據土魯
番酋速壇滿速兒等差來夷使滿賴哈三等賞遞番
文六紙及稱速壇滿速兒多張挾詐繁複之詞全無
悔過遜順之意滿刺哈三若非為速壇滿速兒探聽
中國設備之虛實必是自許能致朵撒恰之歸其齋
印紙一方又欲為挾索奇貨要將滿刺哈三羈留肅
州其餘從人自關阻回仍省諭速壇滿速兒令其改
念脩詞誠心悔過將速壇拜牙即并虜去男婦送至
肅州方為具奏議處等因臣等看詳速壇滿速兒番
文內稱他要和好裡我每也和好他每做歹我每也

告天弟兄四箇一答裡

上秋到肅州甘州來又稱這

早晚你每把事快些用心幹快些商和事兒過去了
的後頭後悔也成不的火者他只丁番文內又稱小
事不要大了成的事不要壞了即其詞意將來入寇
之舉難保必無誠恐鎮巡官安於故常一旦有緊急
如前年失事深為可慮合無本部備行新任巡撫都
御史鎮守太監總兵官務要講求先年失事之由斟
酌將來備禦之策肅州敗沒官軍設法充補應用給
軍糧餉預為充實務在先事料理臨事果斷謀出萬
全事無一失以安地方以正體統其處置哈密并處

待土魯番事宜悉照本部節次題准及前項會官計
議題准事理遵守施行如或鹵莽失宜貽患地方

國典具存必難輕貸正德十三年三月二十五日具
題奉

聖旨是這先事備禦等項事宜便行與新任鎮巡等
官知道欽此

為夷情事

看得禮科抄譯出速壇滿速兒前項紅印番字奏本
係正德十一年九月二十八日在土魯番城馬成交
付與進貢使臣失黑把息兒等今正德十三年正月

內方總齎執到京投進其奏本內言說百戶馬亦阿
黑麻將

勅書齎來了及馬亦虎仙等將許多財物來我上多
央告說着我不要作歹我將哈密城池金印與了特
差使臣進貢問

朝廷討賞賜希罕物件等語實有納款效順之情若
使甘肅鎮巡官於土魯番所差使臣初到之時即差
的當官通伴送早到京師打發領賞早回本國及將
同差來夷使虎都馬亦火者散者見不拘留甘州或
都御史彭澤不早回京在彼自處或可全信遠夷悅

倖成事或無肅州被害之事亦未可知今土魯番速
壇滿速兒既因遣使納款進貢日久不回又因鎮巡
等官質留夷使消息不通舉衆入寇殺害將官屠戮
邊軍為中國之恥貽笑四夷虧損非細義當閉關絕
音斷無可疑今禮部咨稱除求討蟒龍等項本部另
行查覆將西番搶掠等情移咨本部查照緣西番赤
斤苦峪蒙古等衛夷人係我中國屬番前年速壇滿
速兒來犯肅州之時前項屬番甚被蹂躪

朝廷正當撫卹以為藩籬不當又因速壇滿速兒奏
詞連及別為處置其求討蟒龍等項事在犯邊之前
亦難輕准合無本部行移禮部待候法司提到寫亦
虎仙等問明之日會議土魯番差來進貢使臣應該
作何處待奏請定奪遵依施行正德十三年三月二
十七日具題奉
聖旨是欽此

為撫遣屬番歸還本土事

看得巡撫甘肅都御史李昆奏稱投附來邊暫住沙
州者達頭目帖木敬等情願回還本土逐一賞犒差
人送回其瓜州頭目總卜克等不願回還暫留另行
等因臣等議得戎狄非我族類其心必異雖其一時

避難強意內附而飛揚跋扈之心終未能忘遠如五胡之亂華近如真帖木兒之入寇往事昭然足為明鑒故本部先次議奏深恐鎮巡等官不能遠慮貽患將來今帖木歌等既已率眾回還而總卜克等尚留近地况當種田之時不為歸計則將來歸期未卜何日歲月既深窺占愈熟雖彼流離之際念不及此而在我防邊之道豈宜如是合無本部備行新任巡撫都御史等官務要從長議處善加撫諭使其歸還本土荒僻內地既不可因循姑息聽其久住以貽後患亦不可顯拒峻絕處置乖方致生叛逆仍將議處過

緣由回奏查考正德十三年四月初四日具題奉聖旨是這撫諭地人事宜着鎮巡等官依擬行欽此為處置備禦領班官負事

照得甘肅地方近年為因總督等官處置乖方土魯番賊侵犯肅州殺死官軍千餘攻陷城堡殺虜人畜以數萬計邊塞蕭條軍伍消耗見今土魯番酋投遞番書要於七八月糾合三家人馬復來甘肅地方果如所言本處兵力寡弱必難支持未免徵調延寧人馬策應見今虜賊大營在套住牧必有入寇之舉恐難徵調前項臨鞏等衛河西莊浪甘肅等處備禦官

軍日久廢弛宜當急為脩舉本部已於去年八月內
議奏通行陝西甘肅兩處巡撫官查勘俱要作急具
奏不許似前遲延致誤軍務又奉

特旨毋致遲誤欽遵通行外若使各該巡撫官肯為
地方遠慮知此一事係防邊重務用心籌畫三日之
內可以斷決回奏却乃延今十箇月餘鄖陽方奏前
因李昆尚未回奏今若必候李昆奏到方纔議處不
無愈加遲誤合無准照都御史鄭陽等與陝西都布
按三司官并巡按御史議擬事理本部於陝西地方
軍職內照例推舉相應官四員請

旨簡命二員各請

勅一道前去蘭州隨帶家小住劄分管臨鞏等衛官
軍前去莊涼甘州等處輪班備禦後有事故巡撫官
具奏本部照例推補其臨鞏等衛領班指揮聽巡撫
陝西都御史會同鎮巡三司官推委各二員暫令上
班之日赴邊領操下班之日回衛掌印以便照查充
補以後事體定貼照舊施行前項備禦官軍多寡不
一恐有不精聽提督都御史鄧璋督同領班都指揮
揀選精銳堪用官軍每班三千員名時常操練以待
肅州有警從便調發延安人馬非遇大警不必動調

晉書卷之七
三六
以省勞費其備禦官軍舊例分散在涼甘州鎮番永昌等處備禦勢分力弱不得濟用今既推用領班都指揮一員總領合無亦聽都御史鄧璋勘議定奪或於永昌一處住劄或分住近便城堡無事用心操演有事隨便調發并合用行糧草料馬匹器械等項一應事宜俱從宜徑自撥給應具奏者作急奏請定奪再照已死遊擊將軍芮寧等原領肅州官軍雖已勘報被土魯番賊殺死一千餘員名中間隱匿未報者難保必無當今急務足兵為先合無亦行都御史鄧璋督同肅州兵備叅將等官除各軍原戶有丁承繼

軍伍外戶絕無人頂補者查勘見在官舍軍餘數內丁多有力情願補伍精壯之人設法賞勞收補軍後願終本身者聽從其便務在處置得宜軍伍充實緩急得用事畢之日將選補過軍數并處置過事宜回奏查考正德十三年四月初七日具題奉聖旨是在涼甘州等處領班備禦官依擬推用選補官軍及住劄地方等項事宜俱准議行欽此

為夷情事

看得譯出速壇滿速兒番文內稱說與總制老爹甘州肅州的官人每我將哈密城印與的時馬亦虎仙

都督馬亦阿黑麻百戶等使臣與我上許了一千五百疋段子到甘州肅州與來為那箇段子上着古禿魯寫亦馬黑麻捨黑差去到甘州肅州回來限期過了段子也不來取段子的人也不來又稱差使臣進去將使臣拏倒着棍打了放在牢裏方纔用心甘州肅州川裏住着到秋裏與你每好生說一場回去又稱無罪的回回每拷打將禮拜寺改做寺院等情令無本部備咨刑部待候馮亦虎仙虎都六馬亦馬黑麻散着兒并差去百戶一千人犯解到之日查照問理其番文內說稱我兄弟上去的使臣來到了勸我

及尊長火者同各處來的使臣勸諫再三叮嚀上差都督滿刺哈三同捨里土買禿差去了不做雙歹文書到時將朵思恰即便放回來然後將馮亦虎仙并買賣使臣許下的錢糧段匹交與古禿魯寫亦馬黑麻他每作急打發回來上京去的使臣不要遲了如今上緊着和好不是呵時候過了的後頭後悔無益你每有甚麼話即便說出來一節合無本部備行巡撫都御史鄧璋會同鎮巡官作急計議差來滿刺哈三及見拘朵思恰即朵撒恰應該作何收處前項夷情應不差遣無礙夷人前去迎達即今應不作何

隄備計議停當應施行者徑自從宜施行事體重大
星馳奏請定奪不可忽處致失事機及以後遇有遞
本處鎮巡官番文查照舊規就彼會同譯寫畢一面
議處一面將原文付鎮守太監具奏封進庶不失誤
事機正德十三年四月十六日具題奉
聖旨是這夷情該處置事宜都依擬行欽此

為夷情事

看得抄出番文內係是土魯番速壇滿速兒王三以日
米勒白克說與甘肅鎮巡官的話他說速壇滿速兒
差他看守哈密城速壇滿速兒差滿刺哈三同於黑

做使臣我也差四箇人去等情虎兒年十月二十日

寫查得近該巡撫甘肅都御史李昆等奏稱滿刺哈

三等前來肅州賫遞番文全無悔過遜順之意等情

已該本部前項議擬奏行鎮巡官議處外別無定奪

但去年係是丁丑年今却稱虎年十月寫未知因何

差錯及看得後一紙番文內說米刺克訛吉哈即等

三百人看守着哈密城池勸速壇滿速兒不要作歹

我每眾弟兄大小來年秋間收拾人馬你調那裏去

就那裏去等情顯是此夷陽為和好陰有挾制之意

內哈即恐即是引誘忠順王拜牙即走入土魯番之

人緣此等夷情未知虛實雖不可輕信示弱許和亦不可不信忽處失備合無本部備行都御史鄧璋等查照本部節次題奉

欽依內事理從長議處先事設備應施行者徑自從宜施行事體重大星馳奏請定奪正德十三年四月十八日具題奉

聖旨是欽此

為夷情事

看得譯出哈密衛都督馮亦虎仙滿刺哈三番文四紙內一紙說稱達子頭目脫黑忒等討要賞賜要與

朝廷出氣力一紙說稱哈密城池毀壞不能住守要照永樂弘治年間發人修理一紙說稱哈密城池坍塌三次俱彼用自已財物脩理討要蟒衣玉帶一紙說稱沙瓜州等處人上都與麥種牛隻布疋要哈密人上也給與些以上四紙番文內說事情合無行文甘肅鎮巡官查勘議處又一紙說稱哈密城池三次被搶都是奴婢用自已財物贖取這一次蒙

朝廷

勅書上寫着馮亦虎仙上緊前去取城池金印但是說使用的財物儘你使用只要成事我你上加倍陞

賞不吝除有

上天為證使過的一千疋段子價銀等項哈密人漢人并這裏差去的官軍每都知道漢人使用過的物件在甘州三堂處告討都與了止我每上不曾與一節查得馮亦虎仙并差去通事人等見行提解來京合無本部移咨刑部候各犯解到之日審問的係何人許說儘你使用財物及甘州三堂何人准還漢人使用過物件不還馮亦虎仙等使過物件務見明白通將原擬會問事情一併具奏定奪正德十三年四月二十六日具題奉

聖旨是這夷人所奏各項事情該着鎮巡等官查議處置并待刑部審問明白一併奏請的都依擬行欽此

為夷情事

看得禮部抄送哈密衛都督滿刺哈三番文三紙內一紙說稱與奄克字羅等四箇都督加陞職事那三箇都督的

勅書蒙

朝廷換與奴婢因看守真帖木兒在甘州住坐勅書未曾換與要照三箇都督事例換與一節查有

前項都督四員陞職及三員換

勅緣由所據都督滿刺哈三亦合照例換與

勅書但查數內失拜烟答已被副使陳九疇監死馬亦虎仙問擬謀叛斬罪解京送法司會問滿刺哈三招稱與馬亦虎仙同謀叛逆先在哈密今自投來肅州鎮巡官見今豐其廩餼羈留在彼及查奄克孛刺馬亦虎仙二人正德九年五月蒙

朝廷降

勅褒獎令其同守哈密城正德十年正月總督都御史彭澤出給鈞帖差奄克孛刺馬亦虎仙滿刺哈三

等前往土魯番地面送賞講和既奉

勅褒獎守城又承鈞帖明文前去講和今滿刺哈三

又自來肅州奏討換

勅似與原問謀叛情由不合係干外國夷情萬一處置不得其宜罪有出入貽患非輕合無本部移咨刑部候馬亦虎仙等解到之日先行督委公正郎中等官將各項夷情逐一查審明白彼此輸服無詞仍照原擬會官覆審奏請定奪其滿刺哈三餘外番文二紙要照三箇都督事例求討蟒龍衣服玉帶及討段疋皮張等項物件合無亦候刑部問結之日應否准

聖旨是欽此
給查照定奪正德十三年四月二十九日具題奉

為夷情事

看得番文一紙是與甘肅鎮巡官的大意說要上緊去與他和好要將朶思恰好生待他作急打發出來及稱寫亦虎仙取哈密城印多許下物件去了他不出來呵事都不成又說嘉峪關外的城池不為緊要甘州肅州莫着壞了等語不知是何夷所寫番文又一紙專說寫亦虎仙都督寫小阿黑麻百戶法忽兒丁通事馬聰官兒馬黑木衆通事使臣每上多拜上

你每許下去了的不曾完的信因此上這些傷損出來了等語亦不知是何夷人所寫及看得番文內所言討要朶思恰及拆毀禮拜寺等事俱係土魯犯邊後事情不知因何將此番文交付與先差使臣沙黑納咱兒等管來投進合無本部委官會同大通事舍誠等審問陝西行都司差來百戶張浩并夷使沙黑納咱兒等要見前項番文的係何人於何年月日寄到甘肅某處交與各夷管帶來京中間有無冒名捏寫情弊務見明白回報本部一行刑部待候寫亦虎仙等解到之日查照審問原許段疋是否寫亦虎仙

與 通事馬聰等為因取討哈密城印一同許與失信未完務見的確從公斷理一行巡撫甘肅都御史鄧璋等參詳所言甘肅不要壞了情由計議隄修及令行都司官以後夷人進貢遇有賫帶番文驗者明白係通本處鎮巡官者徑自會官譯看處置係赴京奏進者照依舊規付鎮守太監封進不許容令奸夷交通捏寫變亂是非虛實難信如或故違將行都司官參奏治罪後該主事路直會同大通事右少卿舍誠等譯審得哈密使臣沙黑納咱兒等節次接進番文共二十四道俱為進貢求討事並無投進高昌話

回回字番文各夷執稱不知情由等因緣前項高昌話回回字番文內所言討要祭思恰及拆毀禮拜寺等事俱係土魯番犯邊後事情今既查審不知從何封進有碍定奪合無請

勅司禮監查勘前項高昌話回回字番文的係何年月日何衙門官封進徑自覆奏施行正德十三年六月初八日具題奉

聖旨是欽此

為會賞番夷有功人員奉事

看得甘肅鎮巡等官都御史李昆等奏稱本年二月

二十五日該守把嘉峪山關千戶查愷驗送原差瓦刺虜營賞通事馬勝夜不收白英夷人添哥兒兒的等二十四名隨帶馬駝到官及賞到達字一紙審據馬勝等回稱蒙差領賞賜出關襲至哈密西北把腮虜營對衆交訖各王頭目喜懼領受取獲達字收領一紙并帶同卜六王頭目并從人起程前來及稱此虜自来不曾犯邊亦自来不曾入貢今因差人送賞至營知所感激前來答謝雖夷人不知

恩典出自

朝廷非臣等所敢受謝然其一念感恩報國之心亦

深可嘉又稱伊與土魯番有讐雖誠偽未測乞討賞賜蓋亦夷虜貪得常性不可峻絕以灰其向化之心將送來駝馬收留給價仍量給衣段等件以慰其所望諭令通事宣布

朝廷恩威犒勞館待送出關外等項情節臣等議得瓦刺達子節年被土魯番讐殺未見其真能制服土魯番也若誠心內附力能抗彼加以賞賚結其懼心為我藩籬未為不可但事在夷方難以輕信將來之事誠未可必萬一此時失倫不無誤事况啖之以利使為內援後將難繼亦非長策合無本部行移新任

巡撫甘肅都御史會行鎮守太監總兵官將今奏內
瓦剌夷人部落納款內附事情查訪得實從長議處如
果可信隨宜施行若理有窒碍事難經久弊端不可輕
開邊務不可輕廢徑自從長定奪具奏查考應參奏者
參奏處治正德十三年六月初八日具題奉○聖旨是這
夷人事情便行文與鎮巡官著隨宜議處施行欽此
為夷情事

看得巡撫甘肅都御史李昆等奏內開稱議得潛從
他國律有重典在外官員法當休罷速壇拜牙即之
自迤土魯番北之先年王母陝巴被土魯番劫虜而
去者事體不同况夷王有無關係非急惟今速壇滿
速兒悔罪納款歸我搶虜人畜我歸其無罪之人兵
革暫省即為地方之利除將復來夷使滿刺馬黑麻
等二人并貢使人畜方物俱阻留在關外若土魯番
夷舉兵而來多方隄備務使遭剋保無他虞若修詞
求貢速壇拜牙即未便送回所搶人畜已有送到合
無起送入貢惟復仍阻在邊聽候進止其所討朵撒
恰虎都馬亦等應否給發乞要本部詳議明示一節
與前項巡撫都御史趙鑑等所訪夷情及巡按御史
馮時雍所奏處待土魯番哈密事理大意相同緣哈

密忠順王速壇拜牙即自作弗靖棄國逃走不必求其復歸縱使來歸亦不可必其復立誠有如李昆等所議者今若不依所議隨宜處置仍執前議務以必得速壇拜牙即為事不惟名義未正抑恐理勢難行但土魯番夷為因都御史彭澤鹵莽輕處送賞講和納侮啓釁覆軍殺將損傷

國體甘肅地方自來所無之事李昆等節次會奏要將土魯番哈密未犯邊之前差來進貢夷使遷發南方烟瘴地面夷使身在會同館羈住聽候法司取問今土魯番罪惡尚未明正先到夷使尚未發落却將

新到夷使起送赴京揆之事體前後不倫似有不宜合無待候法司問完之日通將前項事情會議奏請定奪通行遵守庶為穩當各官又奏稱撒馬兒罕北山寄住馬黑麻哈辛王所差夷使土六孫等俱在肅州未經查驗可春王進貢夷人俱在土魯番聽候合無將土六孫等仍發肅州羈住候土魯番悔罪進貢至日一同起送惟復先行起送一節查得舊例哈密每年來朝一次其土魯番等處或三年五年來貢人員實有印信番文經過哈密地方等候哈密使臣依期同來見今哈密無人守國管事進貢必不如期若

將土六孫等不候哈密夷使同來獨放入貢恐於前
例有碍況土六孫雖稱賚有印記番文未見辨驗真
偽及查舊例應否放入俱難定奪又查弘治五年虜
去陝巴之時西域諸夷一槩絕貢以此歸怨土番方
將陝巴送出前代宋仁宗時趙元昊據有西夏寇擾
中國亦因羗人文不通和市國人愁怨遂有納款之
心今若止拒土魯番不許以入貢其餘夷國俱令入貢
亦恐事體未穩合無亦候法司問完之日行移禮部
查照哈辛王等舊例應否驗放入貢緣由會議奏請
定奪本部一面行文提叔相都御史鄧璋等暫照原議

將土魯番等處來貢夷人阻絕不許驗放入關見羈
住夷人照舊羈留管待候迎候會議奏請明文至日施
行各官務須整搦軍馬畫畫糧餉加謹隄備相機戰
守不可預擬通和廢弛邊備如前失機罪必不宥仍
會同鎮巡等官計議及訪察彼處夷情要見哈密既
未有王都督失拜烟答巴死死馬亦虎仙解京滿刺哈
三雖自來歸原參與馬亦虎仙同謀即今應否定立
何人權守哈密管理國事前項巡撫都御史趙鑑等
訪舉奄克字刺應襲今勘奄克字刺是否罕慎親弟
應否襲爵或令守國管束夷人及照前項弘治八年

總兵官都督劉寧奏准將哈密三種夷人暫調赤斤
城內住居保全哈密殘孽事理從長議處即今應否
亦於赤斤暫住保守通議明白上緊會奏本部會官
再議奏請定奪此係急要邊夷事情鎮巡官不許遲
延正德十三年六月二十九日具題奉

聖旨是這來貢夷人着暫留彼處待法司問理別項
事情完日議奏定奪其餘事宜都依擬行欽此

為夷情事

看得土魯番速壇滿速兒番文內說稱我將金印城
他交付都督馬亦虎仙并你的使臣每去了他每因

為那等我上許下去了我 就差幾箇人去了那箇人
失了信將去的人都當住了不曾送來因此禍事煩
了今差將我的人打發出平原許下的與了呵再無
一些爭鬧又說我將金印城池交與馬亦虎仙滿刺
哈三馬亦阿黑麻馬聰法虎兒丁去了因為那等我
上許下來因為許下的我差了幾箇人往甘州肅州
去了將許下的不曾完的信將我的人不放回來還
在那裏監着等語係干開啓巽端緊關情由及馬亦
虎仙并差去通事馬俊火信等俱見在法司監問合
無本部移咨刑部督同大通事會議等將番文內所

說情由逐一查審馮亦虎仙并通事馬俊火信等要
見彼時何人在土魯番速壇滿速兒處憑何分付許
與何物何人失信不與及何人主張將差來人不依
監禁致惹違釁務見真實明白仍照原擬會審且奉
施行正德十三年七月十四日具題奉
聖旨是欽此

為查訪夷人事

參照陝西行都司掌印都指揮賀俊明知起送進貢
夷使係是重事乃敢不照原驗故印信底圖審將相
同違馮本冊信憑軍吏趙景元受財將不知何處火

人火者馬黑麻等一十二名捏寫奏本冊內頂冒起
送及至本部行查又止招認頂冒四名其餘八名仍

前隱匿不認顯是賀俊通同趙景元作弊欺誑
朝廷情犯深重及照原差伴送夷人百戶冒斌通事
捨黑馬黑麻舍人王見不行用心管伴縱容夷人馬
亦哈三私添從人先行赴京亦含有罪再照原任巡
撫甘肅都御史李昆職司風紀起送夷人任憑行都
司官吏作弊頂冒擅添從人及累次具奏要將土魯
番哈密未犯邊之前赴京進貢夷使俱發烟瘴地面
安置本部因查前後奏詞名數不對恐碍發落
節次行文查勘又不用心查明回報直待奏差員外
郎孫繼芳前去陝西一路挨查仍不明白又經奏准

行取原驗放夷人都指揮支永沿途挨查赴京仍前
故不用心任從掌印都指揮賀俊通同僉事劉經將
頂冒夷人迭力迷失馬黑麻等八名緣由不行查究
止將火者馬黑麻頂冒病故夷人沙迭力迷失等四
名情由問招擬罪又不查勘病故夷人四名曾否告
官相驗緣由直待支永到京本部吊取原起送本冊
逐日查對方得明白所據李昆處事不行詳慎以致
往返查勘勞擾實是有辜巡撫地方重托又將都指
揮賀俊擅自罰治從輕發落况今查出起送進貢夷
人內有哈密衛年例進貢夷人六十名自與土魯番

犯邊事無相干一槩叅奏要發烟瘴地面尤為不當
查得李崑見今提問又照都指揮支永係原驗放夷
人官員既知奏奉

欽依查勘夷名不在彼處從實查明回報亦各互相
蒙蔽直待到部面審查對方呈前情亦合有罪合無
將都指揮支永百戶胄斌通事捨黑馬黑麻舍人王
見并馬文紀俱送法司問罪查照律例議擬先行發
落冒名夷人火者馬黑麻等并冒充從人滿可歹等
并其餘見在館夷人及都御史李崑前項情罪俱行
法司仍照本部原擬通併問完之日會審定奪仍行

各該巡撫都御史將沿途差錯夷名官吏徑自查提
問罪及咨都察院轉行巡按甘肅監察御史將賀俊
劉經提問趙景元追究明白從重擬罪通行奏請發
落以為將來欺罔玩法者之戒以後甘肅軍職有犯
仍要依律請

旨勾問不許擅自拘提罰治陝西行都司掌印員缺
本部照例推補正德十三年七月二十日具題奉
聖旨是支永等五員名送法司問擬發落其餘各依
擬行欽此

為夷情事

看得哈密衛都督奄克孛刺番文內稱比先我們種
著哈密地方過活喫用都有今被察哈台將地方奪
了今我要種地呵無有地要喫用呵無有財物今望
憐憫賞賜正德十三年七月二十八日無印信一節
查得哈密忠順王拜牙即父已逃去土魯番地方

朝廷勅哈密衛都督奄克孛刺馬亦虎仙守國今馬
亦虎仙已解京奄克孛刺見在肅州寄住又有都督
失拜烟答被副使陳九疇禁死及都督滿刺哈三見
在肅州羈住前項奄克孛刺所奏似為實情但議處
哈密事情已該本部節次議奏行彼處鎮巡官勘處

未報今奏難便定奪及照肅州去京師萬里今前項
番文內開有正德十三年七月二十八日無印信字
樣今却於禮科八月十六日抄出地里如彼之遠日
月如此之近豈能到得中間事有可疑合無本部再
行甘肅鎮巡官將奄克孛刺今奏情詞查照節次奉
行事理上緊勘議停當具奏定奪仍乞

勅司禮監查究前項番文的係何人賫送何衙門官
於何年月日封進中間有無情弊奏請處治施行正
德十三年八月二十九日具題奉

聖旨是這夷人所奏事情還着鎮巡等官上緊勘議

務要停當奏來定奪欽此

為獲功將官陣亡陳情比例乞

恩旌忠陞錄以勵人心事

查得甘肅西路遊擊將軍芮寧殺賊陣亡該給事中黃臣巡按御史趙春議奏芮寧不從議約貪功輕出以致喪師固當有罪但平日謀勇委出諸將之上先有斬獲之功後能堅守決戰死於鋒鏑沒于國事乃得軍職効死之正亦當矜憫以勵後來要將伊男芮網不拘常格量為陞錄激勸人心等因臣等議得芮寧死于戰陣又平昔謀勇出衆比之馮禎雖有不及

其於陳乾似為過之合無將芮寧比照陳乾事例於原任署都指揮僉事上量贈官階及與祭葬伊男芮網照例襲陞一級與做指揮使世襲再量陞都司職級於陝西行都司列銜支俸聽候委用以示優恤但恩典出自

朝廷臣等不敢擅擬伏乞

聖裁正德十三年十一月初三日具題奉

聖旨是芮寧堅守決戰沒于國事情有可憫准贈都指揮同知伊男照例與做指揮使世襲仍陞都指揮僉事欽此

為大彰天討以除非常虜患事

看得巡撫甘肅都御史鄧璋奏稱虜中走回男子蒲芳等報稱速壇滿速兒與頭目說打造盔甲收拾人馬漢人若把朶撒恰放出來時我也不和他作歹若不放時我每再往肅州搶去及亦卜刺人馬約有二萬住在西海今年五月那在山後又有達子一千來到西川搶掠甘肅一方有此二患乞要仍

命總兵官卻永前來提督軍務往來隄備逐彰土魯番并亦卜刺阿尔秃厮賊寇如本鎮兵力不敷量調洮岷延寧等處兵馬會合併力應援客兵糧餉且從

戶部查照事例計覈及要另推都御史一員職專巡撫容臣休致如甘肅仍用大臣提督另選賢能以充任使等因臣等議得前代漢宣帝時馮奉世矯詔破莎車議封奉世為侯蕭望之以為開後奉使者要功生事之端遂止不封宣帝因匈奴擾車師田者欲繫其右地使不敢復擾西域魏相力諫止之遂以車師故地與匈奴自後惟用趙充國計罷騎兵留步兵分屯要害以益積蓄有大費遂能以全取勝為後世據守西域之法近於正德八年建議者不考故實輕主用兵既假言官之奏推舉鄧璋總制三邊軍務又因

鄧璋之請舉用都御史彭澤總督三邊軍務原議彭澤職任量調延寧人馬逐剿阿尔秃厮亦卜剌殘賊令其遠遁遏絕土魯番夷不使內侵其土魯番求討賞賜事出無名不可輕與後彭澤調兵逐剿亦卜剌等賊因畏北虜雙殺不敢出邊返過河東遯入四川不久復回河西兆岷等處被其殘害慮恐侵犯陝西腹裏地方彭澤鄧璋相繼具奏保舉副總兵趙文於兆岷一帶住劄防守土魯番搶殺苦峪王子莊等處逼近肅州彭澤不發兵遏絕矯詔遣使講和納幣虜庭求討金印又不候差去人回妄奏北虜遠遁西夷

就降致蒙取回彭澤回已半年土魯番方將金印同差去人送至肅州復差親信夷人虎都馬亦火者散者兒等隨印來到甘州要求增幣因彭澤已回無人張主鎮巡官質留虎都馬亦等久不放回遂致土魯番得以為詞統領夷衆直犯肅州覆軍殺將攻陷城保夫倉卒報到

朝廷慮恐奪占肅州議遣都督邵永等調集兵糧設法防禦後因客兵難以久住邵永等亦取回自舉彭澤等甘肅用兵糜費糧銀一百餘萬兩竟無成功所以本部節次建議并會官計議行令甘肅守臣整飭

武備積蓄糧草如遇亦卜刺等賊侵犯相機戰守其
土魯番夷照先年事例閉關絕貢不許往來及處置
哈密事宜前項議處節次通行外今都御史鄧璋不
監履車之戒又欲卻求前去提督軍務量調延寧人
馬逐剿土魯番并亦卜刺阿尔秃厮賊寇令戶部計
處銀餉及另添都御史一員巡撫不思土魯番係絕
域遠夷無可征之理亦卜刺等賊逼於強虜不敢出
邊無可威之期北虜在奪延寧人馬不可輕調戶部
經用告竭難於計處及查大同遼東湖廣巡撫都御
史俱兼贊理軍務兩廣總督軍務都御史亦兼巡撫

弘治年間都御史王越總制甘涼等處軍務亦兼巡
撫原任巡撫甘肅都御史吳珉取調原無提督巡撫
二官並設之例所據前奏俱難准擬令無本部行文
都御史鄧璋務要遵照原奉

勅諭并本部節次議奏及會官計議題奉

欽依內事理逐一查看詳欽遵奉行凡事務在慎重詳
審不可任情輕忽處待內外鎮守官員俱遵舊規協
和計議開誠布公先國家之急而後私情親僚友之
交以絕壅蔽棄小過以存大體去崖岸以收人心原
議處置土魯番事情應具奏者會議停當上緊奏請

定奪其本鎮合用兵糧就於本鎮及常例內區處應用屯兵積蓄為經久之圖斯稱委任正德十三年十一月十四日具題奉

聖旨是欽此

為久任撫臣以蓋前愆以保重鎮事

看得兵科給事中華淳奏稱右都御史鄧璋所奏非欲要提督之專

命實欲脫甘肅之巡撫先任總制三邊北虜侵犯既託疾以辭歸今任巡撫甘肅到任未久地方有事前日託疾之心復萌

國家何負於璋而璋忍思以疾報乞降勅切責鄧璋遵依

勅內事理勿拍小嫌勿蹈故轍勿因事託疾為已便務以安靖重地為已責如或不然竟行罷黜以為推奸避難晚節有虧者之戒等因查得先該吏部會同本部推舉鄧璋巡撫甘肅加以提督軍務名目為因鄧璋舊在甘肅熟知夷情又平昔行事老成起取復用必知勉勵圖報遇有土魯番入寇得以自便調取延寧洮岷等處軍馬策應未為不宜今鄧璋到彼未久不屑巡撫之任欲專提督之權託疾具奏冀欲必

從物議之來實其自取除特鄧璋所奏事理另議覆
奏外今給事中華淳論奏前因不為無意合無本部
行文都御史鄧璋務遵原奉

勅諭內事理欽遵行事勿拘小嫌勿蹈故轍若能以
地方為己任安靜撫綏茂著勞績公論自有所歸如
或推託誤事亦難辭責正德十四年三月十四日具
題奉

聖旨是鄧璋以老成起用著用心安撫地方以副委
任欽此

為達賊出沒事

看得甘肅巡撫都御史鄧璋鎮守太監王欣總兵官
柳湧各奏稱正德十三年十月初八等日達賊在於
地名破山口等處射死鄧軍五名并捉去鄧軍馬匹
要行巡按御史體勘將誤事人員參問及掇走回人
口報說阿尔秃所亦卜刺達賊要往北投順小王子
通行副參遊擊等官整搦兵馬相機戰守等因人無
本部移咨都察院行巡按甘肅監察御史體勘前賊
近邊如果止是射死鄧軍捉虜軍人別無隱匿入境

擄掠人民重情將應問人犯叅問器常發落若有重
情指實叅奏定奪及查阿爾忒斯亦卜刺二種達賊
先於正德九年奏差都御史彭澤調延寧人馬追逐
為因懼怕小王子雙殺不敢出遊及過河東擾害洮
岷南入四川費用官銀一百餘萬兩竟無成功今報
稱二種達賊自要投順小王子其去若果是實誠為
地方大幸但近日四川鎮巡官奏報前賊見到四川
松潘邊境搶殺所據阿爾忒斯亦卜刺二種達賊有
無出邊尚難輕信况土魯番事未曾處置停當甘肅
鎮巡官近又不和自相訐奏地方安危深為可慮合

晉書卷之三十九
三十九
無本部行文王欣鄧璋柳湧等各要以地方重寄為
已責同心協力共濟時艱先

國家之急而後私情撫卹軍士揀選操練加謹隄備
相機戰守如或故違致有大患

國典具存必難輕貸正德十四年三月二十三日具
題奉

聖旨今甘肅邊情緊急著鎮巡等官用心隄備失誤
官員依擬行王欣所奏盜庫漏執誤事等情亦要明
白奏來定奪欽此

為擒獲回賊事

看得提督軍務都御史鄧璋等奏稱添哥亂兒的等
五名越度邊關私出外境勾引逆虜侵犯要將添
哥亂兒的并米兒馬黑麻俱監候乞要本部將今奏
添哥亂兒的所供前情亦行法司併問從重歸結一
節緣奏內原叅罵亦虎仙事情先該給事中黃臣等
勘問回奏已經備行法司查照會問今奏添哥亂兒
的走出外境事情係在彼中人未解到難以又行法
司併問合無待後法司將見解到人犯問結之日轉
行巡按甘肅監察御史將今奏添哥亂兒的所犯事
情另問明白奏請發落查得米兒馬黑麻并添哥亂

聖德皇帝實錄卷之七十一
車
兒的原係給事中黃臣巡按御史趙春問報給付功
臣之家為奴并遞發烟瘴地面監候奏請發落人數
今彼走出外境未見參究何人故縱不禁以致出境
合當查究及照都御史鄧璋等既有地方之責平昔
鈐束欠嚴事發又不追究亦難辭責但各犯俱已捉
獲合無本部移咨都察院行巡按甘肅監察御史查
勘米兒馬黑麻添哥亂兒的等既係勘官問完監候
人數因何故不監禁以致出境務要追究主守之人
提問明白依律治罪其巡撫都御史鄧璋等合無各
令回話惟復別有定奪正德十四年五月十七日具

題奉

聖旨是這監候人犯如何不行嚴謹關防以致走回
本境鄧璋等不行追究主使之入却將已解京會問
事情牽引具奏好生徇情都著從實回將話來還差
刑部郎中錦衣衛千戶各一員前去會同巡按御史
將今奏事情從公勘問明白來說欽此

為夷情事

看得巡撫甘肅都御史鄧璋等奏稱參將种勛正送
哈密夷人滿可卜刺等供報正德十一年速增滿速
兒往肅州做了歹各地面王子說把金路斷了都要

雙殺有速壇滿速兒害怕差了馬黑麻火者等來了
及速壇寫亦說你把速壇拜牙即哄到土魯番要害
他的命他逃走到我眼前你要我也不與你那一日
大明皇帝差人來我親自交到他手裏等情則速壇
寫亦似有敬順
朝廷之意速壇拜牙即似有回還哈密之理但係傳
聞之言未可盡信及先已議寫鈞帖與土魯番差來
請和頭目馬黑麻火者資去難再別議一節臣等議
得土魯番為因

朝廷處置得宜能服其心及諸夷歸怨土魯番各來
款塞懇乞通貢甘肅鎮巡官節次具奏乞早定奪為
因法司將提到甘肅人犯不肯上緊問結會審發落
以致事難議處伏望

聖明俯念西夷畏威納款特

勅刑部將原提人犯上緊問結會官覆審奏請發落
本部隨將一應處置甘肅邊情會議具奏伏乞

聖明定奪行下遵守邊方幸甚正德十四年六月初
五日具題奉

聖旨是甘肅提到人犯著法司上緊會審明白來說
欽此

為遠夷歸順悔罪祈貢等事

會同太傅定國公臣徐光祚等少保燕太子太保吏部尚書臣陸完等看得甘肅鎮巡官都御史鄧瓊等奏稱土魯番節次逃到番文比皆謂馮亦虎仙之取城印許段未與及將講和頭目朶撒恰等責打收監將取段頭目虎都馮亦等拘留不放并節年貢使起數俱不打發回還執此一詞前後不易大抵聲言啓獻之端掩飾犯邊之罪今已六次悔罪請和乞要昭穆入貢合當隨宜撫處及稱土魯番見差夷使馬黑麻火者等撤馬兒罕貢使火者馬黑麻打力等并哈密

衛買賣夷人滿刺俄六思等應不准貢起送乞請定奪明降示下又稱馬黑麻火者執稱速壇拜牙即逃走先在阿速城把巴又處後又在速壇撒因處幾次差人去取畏懼自不肯來合無候拜牙即送還惟復另擇相應之人襲立又議暫令都督奄克索刺帶領畏兀兒哈刺灰各種夷人俱調苦峪暫且居住修理城池開耕地土處置牛具種子保有赤斤蒙古苦峪罕東之地為肅州藩籬之倚行陝西布政司查支官銀一萬五千兩撫夷支用又稱審得走回夷人拜言土骨思供報土魯番俱留家人哈密種田及稱剌把

皇清通志卷之七十一
雙連壇滿速兒收拾軍馬教馬黑麻迭民往沙州坐
臥兒的兒子馬黑麻迭民告着往沙州饋他老子報
去等因臣等議得近該多官於

午門前會問土魯番犯邊各官啓覺誤事情由俱已
明白所據土魯番既已犯邊理當阻絕不許入貢但
本夷先曾納款獻還城印後因差人送印守取原許
段定不與又將差來人物留不放以此犯邊事起有
因今已六次悔罪請和又差人扣關求貢若終拒絕
不許來貢恐非撫馭外夷之道合無將都御史彭澤
原取送印謝恩見在京土魯番夷使矢黑把息兒等

及哈密年例進貢夷使阿都哈力等并伴送土魯番
夷使火者馬黑麻等但係禮部見汝陝西行都司奏
繳冊內有名夷人合得支持賞賜禮部上緊查例奏
請定奪給賞及土魯番原差送印先問斬罪今辨供
明夷人虎都馬亦量給與賞賜衣鞋通查分為幾運
量差的當序班同原來人役伴送回還沿途官司各
照例應付口糧脚力等項不許阻滯到於甘州鎮巡
官震連存留在彼同起進貢夷人一同上緊打發出
關各回本土將出關日期回奏查考見在京問完發
落并供明免罪等項夷人俱應付口糧脚力就令差

去序班一同押送甘肅鎮巡官處收查各發回原衛
原籍隨住寧家等項發落見在甘州收監夷人朶撒
恰寺俱准放回令與失黑把息兒等一同回還其土
魯番等處前項鎮巡官具奏已到關求貢夷人馬黑
麻火者等并以後再有來貢夷人俱令鎮巡官督同
副叅三司等官逐起審驗明白查例相應量數存
起送務差的當有職人員各另管伴定限赴京毋容
似前錯亂頂冒及例外多添到京之日禮部查照如
有違錯將鎮巡官叅奏究治仍請

勅一道責諭土魯番速壇滿速兒大意謂彼前

朝廷降

勅就令爾國差來夷使齎去責諭爾將忠順王拜牙
即并金印送回

朝廷自有賞賜又

勅都督馮亦虎仙寺共守哈密又恐達賊阿尔禿斯
亦卜刺與爾土魯番犯邊特差都御史彭澤調集人
馬前去防禦截殺不意彭澤不依

朝廷

勅旨行事爾的頭目火者他只丁領人馬來到嘉峪
關外王子庄寺處搶殺彭澤不發人馬截殺却自出

鈞帖差馮亦虎仙寺將帶段布銀器等物送爾講和
求取拜牙即不得止將金印交還爾因差人送賞到
彼即敢肆志數外勒許段足差人押帶馮亦虎仙等
前來甘州取討彼時彭澤已回所許失信巡撫都御
史李昆等不照彭澤行事將差來人拘留又不即奏
聞區處此皆各官處置乖方所致
朝廷俱已明正其罪但爾豈不知

天朝至大萬國來王輒敢率眾犯我邊境邊報一到
即命大將率領各路精兵征進廷臣議奏不必勞兵
遠出止可閉關絕貢不許往來要將先差進貢夷人

俱遷發烟瘴地面安置今鎮巡官節次具奏謂爾六
次投進番文悔罪求貢情皆實實廷臣謂爾既犯大
順不可輕許但

朝廷念爾遠夷無知既已傾心悔過特赦爾罪其未
犯邊之先差來送印夷使失黑把息兒等俱給與賞
賜并虎都馮亦也量賞賜及將子撒恰等一同放回
見差到關進貢夷使准爾所請亦令鎮巡官驗放赴
京今後爾宜感

朝廷恩德尊敬中國盡藩臣禮不許似前聽信小人
往來搬弄是非輒起歹心自取棄絕但有應奏事件

務寫本土印記番文照常投進一應行去事件務要
驗有

朝廷御寶勅書及鎮巡官奏奉

聖旨印信文書方許憑信其拜牙即行事不正棄國
逃走遠地已經年久自不敢來已命鎮巡官查訪忠
順王的親族屬奏保承襲特諭尔知及今哈密衛都
督共守哈密為尔西夷通路以後不許再來哈密生
事打攪若爾國夷人進貢經過沙州被達賊搶奪告
知鎮巡官處治不許擅動人馬前來沙州等處住坐
將

勅就交與失黑把息兒虎都馬小同朵撒恰等抹回
着令速壇滿速兒迎接設置香案示開讀差人謝

恩仍寫副

勅一道齋與甘肅鎮巡官將

勅內事意先令通事明白宣諭失黑把息兒虎都馬
亦朵撒恰等通知到彼傳說及照都督滿刺哈三正
德十一年土魯番犯邊之時正在哈密住坐不能勸
阻死守哈密姑免治罪已為萬幸今來肅州求討蟒
衣玉帶難以准給况已年老相應替職及照鄧璋等
奏要

勅奄克孛刺帶領畏兀兒等哈刺灰各種夷人俱調
苦峪暫且居住修城種田安插一節深為有益但哈
密衛都督四人內奄克孛刺失拜烟答俱已死馬亦
虎仙滿刺哈三俱年老合無行令鎮巡官上緊查勘
各人的親應襲兒男照例保送赴京襲替滿刺哈三
省發回衛閑住仍從公勘議勘以住守苦峪之人另
行具奏議處再照忠順王拜牙即自作不靖正德八
年棄國逃走至今年久遠避絕域自不敢回難以強
求復立又啓釁端合無行令鎮巡官從公體訪忠順
王的派子孫應該承襲之人保勘明白具奏定奪係
係兵部原議處置哈密夷情係干事體重大候法司
會審見監問夷人馬亦虎仙等事情畢日會同各部
都察院通政司大理寺各堂上官并六科十三道掌
科學道官計議停當奏請定奪事理正德十四年七
月初八日會題未奉

明旨

為整理邊務以備苗夷事

看得巡撫甘肅等處都御史鄧璋欽奉

勅旨會同鎮守太監王欣總兵官柳湧脩築城壘整
飭器械操練軍馬措備糧餉賑恤軍士撫順屬苗俱

着實舉行事有成效見今土魯番畏服六次悔罪扣
關求貢皆由本官及鎮守內外重臣處置得宜所致
欲照原議將鄧璋取回差官巡撫照舊行事但見在
京進貢夷人未曾放出土魯番求貢夷人未曾放入
事未全定難保寧息合無將鄧璋等請
勅獎勵令其協心同志脩其舊勳勉其新功原奉
勅內事宜務要益加遵守以克有終待土魯番新貢
夷人放入各項事宜俱處置寧妥之日應否回京具
奏定奪再照舊安置哈密一應事宜已該本部會官議
處明白具奏未奉

明旨誠恐土魯番因此猜疑又生變詐伏乞

聖明將本部會官議奏事下件早

賜宸斷速行遵守地方幸甚正德十四年七月二十
四日具題奉

聖旨是鄧璋王欣柳湧道等奉勅旨處置得宜各寫勅
獎勵着協志同心益圖後効欽此

為獲功事

看得巡撫甘肅都御史鄧璋奏稱沙州頭目帖木哥
等番人四十名追趕犯邊回回脫脫木兒番人也泥
革為首鎖南兒加為從斬獲首級一顆伍六失加為

首鎖南束為從斬獲首級一顆一顆被狗喫毀無存
乞要轉行巡按御史查審的確將有功首從番漢人
役照例陞賞一節合無本部咨都察院行巡按甘肅
監察御史上緊查明具奏陞賞再照肅州附近番夷
朝廷每加撫綏令其內附專為攘外之計今甘肅鎮
巡官激勵沙州頭目帖木兒哥追斬脫脫木兒犯邊
回賊誠為得策合無行令王欣鄧璋柳漢等以後悉照
此例激勸防禦施行正德十四年八月初六日具題奉
聖旨是欽此

為遠夷歸順悔罪祈等事

看得甘肅鎮巡官都御史鄧璋等奏稱土魯番節次
遞到番文比謂馮亦虎仙之取城印許段未與及將
講和頭目朶撒恰等責打收監將取段頭目虎都馬
亦等拘留不放并節年貢使起數俱不打發回還執
此一詞前後不易大抵聲言啓釁之端掩飾犯邊之
罪今已六次悔罪請和乞要照舊入貢合當隨宜撫
處及稱土魯番見差夷使馬黑麻火者等撒馬兒罕
貢使火者馬黑麻打力等并哈密衛貢使央人滿刺
俄六思等應否准貢起送乞請定奪明降示下又稱
馬黑麻火者執稱速壇拜牙即逃走先在阿速城把

巴义震後又在速壇撒因處幾次差人去取畏懼自不肯來合無候拜牙即送還惟復另擇相應之人襲立又議暫令都督奄克字刺帶領畏兀兒哈刺灰各種夷人俱調苦峪暫且居住脩理城池開耕地土處置牛具種子保有赤斤嵩不古苦峪罕東之地為肅州藩籬之倚行陝西布政司查支官銀一萬五千兩撫夷之用又稱審得走回肅人拜言土骨思供報土魯番俱留家人哈密種田乃八稱劄巴訛兒的兒子馬黑麻迭民告着往沙州饋仙心老子報雙速壇滿速兒收拾軍馬教馬黑麻迭民往沙州坐去等因具題外至
今未奉

明旨等因查得處置土魯番哈密事情已該本部會官議處置至今日久未奉

明旨係干事體重大若不早

賜裁決見在館夷人日久不得回還見在肅州夷人日久不得入貢鎮巡官未奉

明旨不敢施行恐又生疑致惹邊患伏望

聖明俯察臣等先奏會官議處事理早

賜宸斷欽遵施行正德十四年八月初七日具題未奉
明旨

為夷情事

看得巡撫甘肅都御史鄧璋等奏稱沙州帖木哥差人齎遞番文審得革力也供稱哈密衛夷人拜卜刺被土魯番搶去逃回到沙州又聽得土魯番察台人馬要搶帖木哥又有瓦刺達子也要搶來我每大小人民害怕差我往老爹每上教我母在那裏坐等情已譯寫漢番字鈞帖就令本夷齋與帖木哥等務要尊事

朝廷堅守臣節和睦鄰番晝夜加謹收拾部落保守境土遇賊果來侵犯併力剿殺仍即差人傳報調兵策應一節查得帖木哥先年十阻遏速壇滿速兒及節次殺死土魯番回賊屢經誦賞今偶聞傳報之言概為遷避之計鎮巡官譯寫鈞帖諭令收拾部落睦鄰併境遇賊侵犯併力勦殺仍即差人傳報調兵策應處置得宜別無定奪但甘肅地方連年用兵官軍疲敝錢糧缺乏再有邊釁實堪調遣况先年都御史彭澤撫取送印赴京進貢夷人未曾放回近年扣關認罪求貢夷人未曾放入犯邊之事難保再無伏望皇上俯念邊遠夷情關繫至重特准本部會官原議早

賜宸斷放出先貢夷人齎回賞賜以慰遠夷之心及
准新來夷人入貢以羈縻其向化之念正德十四年
九月初九日具題未奉

明旨

為夷情事

看得巡撫甘肅都御史鄧璋等會本奏稱土番魯莽
來夷使牙兒馬黑麻等哈密夷人滿可卜刺等賫遞
番文要差兩箇漢兒人前去取速壇拜牙即等情徐
璋等已差通事虎得山馬秀二名領齎鈞帖二道與
同土魯番差來夷使牙兒馬黑麻哈密夷使滿哥卜

刺等給與路費於八月初三日差人自肅州伴送出
關聽其自行回還緣今本國節年進貢夷使在京及
貢回在途者先因本酋侵犯肅州見該法司勘問兵
部會議處置倘因臣等先奏本酋款服從輕發落後
乃閉關絕貢不無有碍施行乞要會議之時將今次
會題事理查併處置一節臣等查得正德十二年二
月內本部會官議得土魯番既犯肅州理當閉關絕
貢不許往來如果自來告受撫諭將忠順王拜牙即
送到肅州別無挾詐具奏定奪原無許令鎮巡官差
人去取拜牙即及今正德十四年七月內本部會官

議奏拜牙即棄國逃走年久難以強求復立又啓累
端臣等嘗見宋臣呂中因宋太宗遣使如契丹論言
和出於彼則和可堅和出於我則和易敗太祖專任
邊將來則拒之去則禦之未嘗遣一騎出境亦未嘗
命一使通和得中國之體誠為確論今鄧瑋等既奏
土魯番夷使馬黑麻火者認取拜牙即出於情願並
無逼勒自當送還今仍違拗以羈留夷人藉口求討
賞賜為詞要漢人前去取信謫詐貪婪如常無厭却
又擅差通事虎得山馬秀二名齎鈞帖二道同去撫
取蹈前覆轍事屬鹵莽合當查究但因節次會議具
奏事理未得速

賜處分以致鄧瑋難於遵守又有前奏臣等竊惟撫
馭四夷不在於邊兵強盛而在於處置得宜天下之
事不在於臨難救解而在於先幾預防前項甘肅夷
情已蒙

聖明洞察處置得宜命官會議具奏三箇月餘未蒙
俞允甘肅去京往返萬里事久不決必生他虞徵調
官軍騷動邊境實非細故伏望

皇上俯念邊方夷情至重將正德十四年七月內本
部會官議奏事理早


晉書卷之七

十四

七

賜宸斷本部馬上差人齋送甘肅鎮巡官遵守庶不
誤事未奉

明旨



晉書本兵敷奏卷七終